

德化縣志卷第三十六

知德化縣事

高 植原輯 鄒文炳再輯  
沈錫三補輯 陳 勳續輯

文苑

凡燦然於古今天地間者皆謂之文不獨咕嗶云爾也然自堯舜相傳以迄於孔孟至精微至廣大浩博而不可紀極微妙而莫可名言皆於經籍備之下及百家諸子純雜異同皆資學者學問思辨之益故文在而所以文者與俱在焉文苑顧不重哉化於東晉得一人焉然不以文苑例陶靖節是

德化縣志

卷三十六人物

文苑

一

已於北宋得大著作焉曰周子獨以道學傳若是者何也文無經史子集之分詩賦詞章之別苟有得於支流之末資後學之用心皆有取焉其實獲於文或流溢為文道德之旨性情所流與六經相表裏則不復在文苑列矣西塞迴舟之客寺僧兆夢之人所以冠篇首也傳自陶岷以下共得十餘人其才華品望或小有差等皆得以文苑目之故並列焉雖然文所以載道也游夏之亞於顏閔者足當之已知此解者更舉頭天外哉志文苑

唐

陶峴潛之裔孫開元中移居崑山與孟彥深孟雲卿焦遂  
遊嘗製三舟一自載一供賓客一置飲饌有女樂一部  
奏清商之曲逢林泉則窮其景物吳越之士謂之水仙  
其西塞山下回舟詩有云匡廬有業是誰主吳越新居  
安此生白髮數莖歸未得青山一望計還成鴉翻楓葉  
夕陽動鷺立蘆花秋水明從此扁舟何所詣酒旗歌扇  
正相迎雅善詩文曠懷高致不愧靖節之後云

府志

蕭鍊貞元十二年禮部侍郎呂渭知貢舉試日五色賦春

德化縣志

卷三十六人物

文苑

二

臺晴望詩鍊中第柳河東有送鍊登第後南歸序

楊收其祖不知何許人嘗為江州都押衙遂家焉父維直  
任蘭溪縣主簿生收兄弟四人發假收嚴皆登進士第  
收以咸通四年同平章事餘皆為承郎發以春為義其  
子名祝名乘假以夏為義其子名爽收以秋為義其子  
名鉅名鏘名鑑名鑣嚴以冬為義其子名注名涉名洞  
俱有文學登高第號曰修竹楊家天佑二年涉拜同平

一章其子凝式直史館

府志

南唐

伍喬讀書廬山白鹿洞苦節力學一夕見人掌自牖中入  
有讀易二字因取易索隱探賾時浮屠夜夢天有大星  
芒色甚異傍一人指之曰此伍喬星也覺而訪喬厚資  
奉之使入金陵舉進士南唐故事中選者主司必延之  
陸堂勞以酒先已得朱貞觀俄又得張洎就坐矣繼得  
喬文主司驚嘆乃徙貞觀洎席以喬居賓位覆試喬遂  
第一元宗命以喬文勒石爲永式官至吏部考功佐郎

宋

王寅字慎中擬半山老人集句胡笳十八拍其會合宛轉  
德化縣志 卷三十六人物 文苑 三  
道文姬中心事甚妙

明

于立字彥成學道會稽山中得石室藏書學富能文游江  
湖間與仲瑛友善於玉山草堂有行窩焉府志

張羽字來儀旣壯從其父宦遊沂踰浙受易於山陰夏仲  
善爲文學歐陽子縝密宛轉雖前輩自謂不及也兵阻  
不得歸因僑武林來吳喜吳興山水與徐賁約卜居家  
於戴山之東元末受安定書院長明初舉賢良不出徵  
起廷對稱旨擢太常司丞兼翰林院同掌文淵閣事十

六年上親藁滌陽王事實命來儀撰廟碑當時以大制  
作推任如此以事竄嶺表年五十三卒歸葬九里崗儒  
學教授金華童冀爲銘有靜居集六卷行世同

國朝

丁孕乾字爰大在諸生中風流蘊藉絕似晉人獨工於詩  
與熊兆佳趙映第相倡和詩清靜遙深力追唐之中葉  
竟陵譚元春亟推之以明經任南昌學博大吏悉引重  
高其行有十七年詩稿常藏於衣帶間亂後失之閩草  
及西灣詩話尙有存者同

德化縣志

卷三十六人物

文苑

四

張秉鉉字子威一字歎齋準五世孫康熙庚戌科進士授  
直隸永年令能預識劇盜以小犯欲加極刑後逃逸卒  
爲劫掠巨魁人謂有知人之鑑在任二年掛議罷官旋  
卒於永秉鉉生平以文藝自喜甫成進上時郡守江殷  
道修府志鉉半屬筆伯兄秉翀力崇正學任廣昌司訓  
翀子漸文名籍甚叔兄泰不昧遺金博通典籍蓋人文  
之盛萃於一門云

黃家帶字岱石大理寺卿雲師長子賦性高曠不屑作生  
產計雖貧嘯歌自若也年十四補弟子員薦而未售益

肆力詩古文詞書法學問無不稱之著有卓觀堂集同上

李曰鉞字造集康熙丙午舉人負才不羈爲詩古文詞下筆立就同里文氏愛婚也好詼諧時瑞邑諸生余鍾英亦文氏婿曰鉞嘗易之先是丙午元旦之夕鍾英夢迎天榜約數十人衣冠連鑣而過鬚眉可掬內一人以白扇障面視扇上書數行乃雲淡風輕近午天句也鍾英識之偶暑月至文氏齋頭手持新筴適與曰鉞遇曰鉞奪筴憑几大書雲淡風輕詩以示相謔鍾英觸前夢私喜是秋與曰鉞同捷後曰鉞知之曰孝廉我手贈也初

德化縣志

卷三十六人物文苑

五

授新建教諭陞贛州教授士子翕然景從當事多愛其才禮以格外僅一子能文爲諸生先曰鉞卒鉞怏怏歿於官同上

文律遠字稚和德翼四子少失怙恃每以不及逮事二親爲恨仲兄蚤世事伯兄惟謹先是伯仲已析箸矣越一歲律遠始生以母有遺命不復析兩兄之產惟苦志績學授生徒以供餽粥淹通經史年十五卽餼府庠康熙丙申循例充歲薦尋司訓新吳課邑人士敦崇古處講學論文雖嚴寒溽暑未嘗偶輟乞歸裝無長物清操介

簡具載奉新邑乘平生敦品力行知府王眉穀雅重之  
延主義學贈以一郡師表額言舉鄉飲賓同上

廖應旌字淑俊少貧苦力學為諸生時即留心詩古皆彷彿應制體裁故其詩雅麗深厚文則駢體四六尤工康熙己卯舉於鄉生平矜持敦大體雖盛暑非衣冠不與人接郡侯朱儼邑尹張近光屢延署內教授子侄二十餘年出入府縣署愈自謹飭當事咸禮重之著有省堂四書文省堂文集省堂詩集卒年六十餘子介以孝建坊後選建昌縣學訓導同上

德化縣志 卷三十六人物 文苑

李蕡字若桃篤志力學為名諸生康熙戊子科鄉薦己丑聯捷授饒州府學教授品高望重遠近宗仰兼攝希賢澹湖兩書院講學課文克舉其職其列巍科捷南宮者多門下士司鐸二十年陞江南安慶府太湖縣知縣慈祥豈弟深得士民心性嗜詩文雖簿書雜沓未嘗廢棄旋里後仍課生徒日孳孳焉同上

文存篆字籀仙英姿秀發十歲即工文諸子百家靡不淹貫沉潛篤志研經味道期於見諸行事以歲貢任新喻訓導翰林晏斯盛督學滇南歸過里門稔其學有淵源

與考論圖書易象擬以通經言於朝會篆卒不果同上

喬文郁字法周爲諸生時每試冠軍尤肆力古學授徒於鄉足不履城市家近廬山凡匡峰絕頂屐齒必及南康之名勝蘭若題咏尤多喜爲形家言獨出己見年八十授峽江縣學司訓半載以老疾辭歸數月送客戶外一揖而卒同上

黃坤字大章雲師孫也幼穎異於書無不淹通食餼爲名諸生尤潛心程朱之學所著壁經及四書集解未及刊佈作字倉卒必端曰古人云心正則筆正吾不敢不敬

德化縣志

卷三十六人物

文苑

七

也友教四方遊其門者多知名素有人倫鑒其從弟進士圖夙負盛名文采優贍一時冠冕每謂人曰余於文稍擅才華若經術當推吾大章兄蓋實錄云同上

李標字金軒辛巳舉人著有天文地輿辨正學庸圖一貫圖讀易管窺等集掌廣東恩平書院本府濂溪書院品行端方門下士多科第子春林邑庠瓊林增貢

何之曙字雲門歲貢生而穎異少刻苦問學家極貧以所得修購書數千卷於文經註疏子史及古人詩文集昕夕披校加以丹黃所著詩古文詞舊交及門下士願集

貨付剗劂力止不肯問世性狷介偶虛爨火有助以薪  
米者概卻弗受中年棄舉業客遊漸黃謂好山好水有  
物外之趣年六十有五卒新

鄭新原名祝齡號養齋歲貢生舉人報績子五齡失怙性  
穎悟讀書如成誦弱冠遊庠旋食餼工詩古文詞尤長  
於制藝家貧藉館穀以奉甘旨從遊者半登科第尙書  
萬青藜其門下最著者也顧數奇屢躓棘闈晚年以明  
經貢成均就教職當道重其學延主濂溪書院講席課  
藝必勤加刪政士論忻服生平嗜書籍至老猶手不釋  
卷卒年七十所遺著作因兵燹惜無存者以子夢玉舉  
人任廣東知縣晉知府贈如其官孫瑞憲邑庠

德化縣志

卷三十六人物

文苑

八

